

番禺屈翁山先生撰

廣東新語

文匯堂藏板
拾芥園發兌

廣東新語卷二十四

分目

蟲語

八蠶

天蠶

蟬

大胡蝶

蝙蝠

蠮螋

蠹蠹

蝦

天蝦

水母

禾蟲

螢

金花蟲

荔枝龍眼二蟲

蚊

海珠

蜈蚣

蜚

雨師雲師

蠱

水蠱

木蠱

蟋蟀

廣東新語 卷二十四 分目

大蟻

白蟻

蚪蛇

諸蛇

蛤蚧

白蠟蟲

禾蟲阜

蠅異

蝶異

蚱蜢異

斷州鳥

蝦母

木

木

木

木

木

木

木

木

木

木

木

木

木

木

東海

廣東新語卷二十四

番禺

屈大均

翁山

謨

蟲語

八蠶

廣蠶歲七熟閏則八熟記曰一歲八繭出日南是也廣自三月至九月月一熟蠶以三十二日爲度歲當大春桑穀生蠶駒始出凡蠶初出曰炒而曰蠶駒者蠶與馬同神本龍精而首類馬故曰蠶駒蠶駒旣出以桑芽餵之二眠三眠食葉漸有聲至四眠而蠶熟矣凡蠶三日一蛻蛻則不食是謂一眠眠至四而繭成然眠必齊眠乃良齊眠曰大眠

若九蠶眠一不眠則九爲一所累而俱敗矣繭旣成時當正月是曰大蠶大蠶一歲一熟熟至八日而出蛾配其雌雄又至八日而蛾卵卵則蛾以紙裹卵藏之至大春蠶駒復出故曰大蠶其二蠶三蠶曰小蠶亦曰連蠶言相連不絕月月熟也繭旣成大蠶繭四千小者六千可獲絲一斤大蠶絲光滑而細小者不及計一婦之力歲可得絲四十餘斤桑葉一月一摘摘已復生計地一畝月可得葉五百斤蠶食之得絲四斤家有十畝之地以桑以蠶亦可克八口之食矣坡山之絲線良龍江之線綉良然龍江蠶種率購之於九江而爲絲及線

乃獨良非女手之不同也水色異也然李商隱詩云八蠶蠶綿小分炷又云小炷八蠶綿左思賦鄉貢八蠶之綿皆言綿而不言絲蓋以蠶養至第八次不中爲絲但可作綿然吾廣第八蠶皆可爲絲所謂珍蠶也凡蠶再熟者謂之珍沉於八輩蠶乎本艸言南粵蠶有三眠四眠兩生七出八出者蓋蠶屬陽喜燥惡溼南粵火之所房炎精盛實故蠶至于八輩也

天蠶

天蠶出陽江其食必樟楓葉歲三月熟醋浸之抽絲長七八尺色如金堅韌異常以作蒲葵扇緣名

天蠶絲亦有成繭者大於家蠶數倍禹貢厥篚檠
絲或卽此類然不可繅爲絲入貢者齊魯之山繭
也有沙柳蟲腹中絲亦可作緣

蟬

羅浮東峯下有石洞洞中楓樹千萬株嘗有蜩蟬
數百種數里間鳴則齊鳴止則齊止無一參差斷
續者又有異鳥和之聲若木魚以爲節黃冠云昔
白玉蟾真人於冲虛觀製雲璈八曲有客常命道
童奏之玄鶴唳空山鳥相應今樂器零落矣聽此
蟬聲猶髣髴雲璈音節也

大胡虻

大胡蝶惟羅浮胡蝶洞有之嘗止花樹間見人弗
動卽動亦依依不遠采者連枝持出輒飛復故處
不他之其生以繭繭中有一卵小於鷄子重胎沁
紫包以烏柏木葉絡以綵絲山中人嘗以冬月往
采好事者購取藏之明年二月以繭置梧柳間輒
有一大胡蝶展翅徑尺飛來就繭不飲不食抱伏
纏綿經七日繭破子出大可六七寸許越數日挾
之飛去其出繭絕不使人見雖晝夜伺之弗覺也
雌雄不離千里外必相尋覓至則繞籠翔舞不得
入以翅觸籠金翠委損放之兩兩相逐翩然高舉
蓋羽族之至神者精氣相通無間遠邇所謂仙靈

之使合非人間所得而羈也予嘗有遠行有一大
胡蜨飛來止庭柯三日友人陳子謂大胡蜨旣美
文章舍仙山而集茲與予氣類相感非無意也爲
詩云羅浮大胡蜨言是小鳳凰六足盤胸間四翅
交文章修眉若楊葉繡腹如兪囊仙人愛文采挾
之遊帝傍四海安足飛來下君子堂堂中有行子
比德共翱翔一時諸子屬和繪圖以傳予亦有詩
云翩翩大蜨誰所爲莊得其雄老得雌芙蓉沆瀣
日餐服流將一氣母羣兒又云變化不離玄牝內
世上蜉蝣那足配南郭今爲槁木藏葛洪不見丹
砂在其亦得物化之旨歟大胡蜨以花爲糧予嘗

於華首臺見有花如紅芍藥大胡蝶食之倏盡數
朶道人掩取其一誤傷之以翅爲團扇五色絢爛
金粉流光真神仙之服玩也廣州人士向有大胡
蝶會冬月使人入羅浮以鍼及綿絲帶易繭于牧
豎春間大胡蝶出繭文采各別雖百十無一同者
以絲竹籠貯之攜往浮丘穗石間以胡蝶大小較
勝負買花犒之其花或使人采於羅浮百花逕中
逕多異花四時爛若錦繡大胡蝶之土物也羅浮
諸洞皆有異花瞥見之欲折不折行數武還視輒
失之惟逕中花可嘗取予詩祇愁胡蝶大如箕食
盡山花人不知紅翠紛紛難與守芳菲又過艷陽

時

大胡蜚本洞中仙種相傳麻姑遺衣所化二三月間出洞山人索其子藏之至六七月如蠶成繭繭破成蛾乃化爲胡蜚初化時大五六寸雌雄成配無一孤者畱雌則雄不去畱雄則雌去復來數月生子子生半月而化其子如彈如雀卵大小不等其生化亦隨大小而成廣州春夏之交市上有賣大胡蜚者每枚數十錢大僅五六寸許懸竹竿上兼旬不飛不飲食生卵十餘漸不能動以爲乾矣觸之輒蠕蠕然如是者數月乃化予詩二月大胡蜚家家出繭來兒童爭鳳子買取及花開

羅浮山中所見無非鳳凰者不惟以紅翠碧鷄
五色鳥之屬爲鳳卽大胡蜚亦以爲小鳳凰至說
作詩云羅浮胡蜚翼如箕彩雲晴日向天飛錦光
金色相離披盛世文章仙人姿胡蜚雙飛如鳳凰
仙人騎入道士房房中誕育鳳凰子四百山頭山
氣紫

胡蜚大如蝙蝠者名鳳車其大如扇四翅好飛荔
支上者名鬼車亦曰鬼蜚又有大如扇純黑爲
橋蠹所化名玄武蟬此皆非仙種與羅浮所產者
迥別予詩云胡蜚元生胡蜚洞仙胎不必鮑姑衣
天教鳳子如箕大不向梅花嶺外飛

羅浮人喜以胡蜨繭餉客予入山必盈袖以歸有
胡蜨繭歌云羅浮胡蜨有洞穴天蛾吐絲白如雪
千絲萬絲作一繭仙胎只爲鳳車結終日纏綿如
有情變化一一通神明繭中久蟄經霜雪雌雄之
雷不能驚枝間厚裹烏柏葉山人采得盈筐篋四
百峯邊大小村家家皆有大胡蜨

蝙蝠

粵山多巖洞蝙蝠宮之以乳石精汁爲養夏間出
食荔支冬則服氣純白者大如鳩鵲頭上有冠或
千歲之物其大如鷄而未白亦已百歲而皆倒懸
其腸精在腦腦重故倒懸也餘則背腹茜紅而肉

翼淺黑多雙伏紅蕉花間雌雄不舍捕者得其一
則一不去婦人佩之爲媚藥予詩羅浮蝙蝠紅雙
宿芭蕉葉相與帶在身媚郎兼媚妾或謂卽肉芝
以藥製服之身可肥健未知然否仁化有夜燕巖
蝙蝠多至數萬旦暮分三道往還聲如飄風倏忽
數十里羅定有催生鼠狀如兔而鼠首以其髯飛
飛且乳聲如人呼喜食火烟能從高赴下不能從
下上高其毛可治難產一名飛生亦卽蝙蝠也又
從化鰲頭嶺之右有蝙蝠石石穴中多黃白蝙蝠
有大五六尺者肇慶七星巖有五色蝙蝠生黑洞
中游人以火入多見之名伏翼予詩巖中伏翼撲

人飛

蠃蠹

陽春有蠃蠹嘗附楸欖樹而生雖有首足與木葉無別須木葉凋落乃得之士人以置篋笥每遇蠃毒必鳴鳴則自呼又以其聲之清濁卜禍福粵以鷄卜又以蠃蠹卜人罕知之司馬遷所謂昆蟲之所長聖人不能與爭者也

蠃蠹

陽春多蠃蠹以爲貨蠃爲房於巖石林木間者其釀白蠃脾謂之山蠹亦曰蠃糖霜後割之白如脂味勝家蠹家蠹取以夏冬爲上秋次之春易發酸

冬曰梅花糖最日香唐詩云天寒割蠶房然其性
熱多食發溼熱病生蟲蠶新興有薑蠶尤忌不若
川蠶溫西南蠶涼爲可嗜

凡海濱巖穴野蠶窠焉其蠶曰石蠶多泛溢於艸
間石罅露積日久必宿蛇虺之毒舶人入山者雖
艸木魚蟹之屬糝以胡椒熟而食之無害也設遇
石蠶以爲日而過食必大霍亂以死故食蠶必以
家養者爲貴

蝦

蝦字始見於賈誼弔屈賦曰夫豈從蝦與蛭螾蝦
莫多於粵水種類甚繁小者以白蝦大者以螳蝦

爲美螿蝦產鹹水中大者長五六寸出水則死漁
人以絲粘網其深四尺有五寸長六尺者仄立海
中絲柔而輕螿蝦至則鬚尾穿骨弗能脫也兩兩
乾之爲對蝦以克上饌鮮者肉肥白而曰其次曰
黃蝦白蝦沙蝦最小者銀蝦狀如繡鍼以紵布爲
網網大丈有二尺以二層戩繫之口向上流取蝦
卵及禾蟲亦復如是銀蝦稍大者出新安銅鼓角
海名銅鼓蝦以鹽藏之味亦美其蝦醬則以香山
所造者爲美曰香山蝦其出新寧大襟海上下二
川者亦香而細頭尾與鬚皆紅白身黑喙初醃時
每百斤用鹽三斤封定缸口俟蝦身潰爛乃加鹽